



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : SKH LAM WOO MEMORIAL SECONDARY SCHOOL

學校名稱 : 聖公會林護紀念中學

Name of Play 劇名 : 影子

Script writer 劇作者 : 溫晴 (學生)

Synopsis 故事大綱 :

有人失戀，有人離家。

有人埋藏，更多人與之為伍。

他們沒有名字，只有故事。

影子在眩目的光芒下更為深沉，唯有擁抱黑暗、接受黑暗，那雙灰色枯槁的手才會放過他們。

那如影隨形的藤蔓，在腦海恣意滋生。逃不開、躲不過，如同呼吸、如同心跳。

無人幸免。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

【Prologue】

- Eric : 我覺得防人之心不可無
- Lisa : 我覺得最能夠依靠嘅始終係自己
- Jasmine : 我覺得距離感好重要
- 溫晴 : 我覺得我的靈魂伴侶就係自己
- Nicole : 我覺得每個人都有自殺嘅權利
- Nat : 我覺得朋友只要一個明我嘅就夠
- Cyrus : 我覺得付出同收穫根本唔成正比
- Thomas : 我覺得一個人唔需要有理由去生存
- Bobo : 我覺得自己一個嘅時候最自由
- Wendy : 我覺得唔開心嘅野應該要自己收埋
- Yoku : 我覺得笑容只係人擺黎掩飾自己嘅面具
- Yuki : 我覺得人間先係真正嘅地獄
- Jennifer : 我覺得經歷係改變一個人嘅原因
- John : 我覺得 Wifi 先係最重要
- Shannon : 我覺得無野係唔可以被取代
- Jessica : 我覺得唔係每個故事都有最美好嘅結局

(其他人走，雲拎書包走，Jennifer、Bobo 入)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

【Scene 1】

- Jennifer : 請問你係咪 Hilda?
- Wendy :
- Bobo : 喂！好耐冇見過你啦！我好鐘意聽你唱歌，你唱得真係好好聽！
- Jennifer : 我哋 **Selfie** 幾張先啦！望鏡頭
- Bobo : 嘩你皮膚真係好好啊！你用緊邊隻化妝品啊？
- Jennifer : 真係影得勁靚囉，不如你俾埋你個 **IG** 我？（雲打字）
- Bobo : 你今年有冇報 **Sing Con**? 上年你唱得勁好
- Jennifer : 上年你好似攞冠軍？唔爭在俾埋 **Snapchat** 我（雲打字）
- Bobo : 咁我哋唔阻你啦（Jennifer、Bobo 走）
- Jennifer : 我會 **like** 晒你啲 **post**
- Bobo : 記得一定要報 **sing con** 啊
- Wendy : 我.....係佢個妹（走）
- （Lisa、Nicole 入）
- Lisa : 你食咩呀
- Nicole : （搶外賣紙）撈幼薯粉加腩肉金菇
- Lisa : （搶外賣紙比 Nat）你呢？
- Nat : 呃..... **Mix** 個啲 **noodles** 個啲呢.....
- Lisa : 撈薯粉
- Nat : **Yes**, 跟住...呢個點讀呀
- Nicole : 魚腐
- Nat : **Yes**, 我要魚腐。跟住果啲空心 **vegetables**
- Nicole : 牛栢葉
- Nat : **Yes**, 我要牛栢葉



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Lisa : 通菜呀
- Nat : 係通菜咩
- Nicole : 你英文真係好呀，我有你一半就唔洗比人鬧啦
- Nat : 其實我英文唔係特別好啫
- Lisa : 全級第一都咁謙虛？ 琴日鬼怪大結局孔劉好 QQ 呀
- Nicole : 係囉佢之前做果套屍殺列車好型呀
- Lisa : 你覺得孔劉正啲定係李棟旭正啲呀
- Nat : Er..... 我有睇
- Nicole : 咁你平時睇開咩㗎？
- Nat : Netflix
- Lisa : (Lisa 同 Nicole 對望)咁你平時聽開咩歌架？
- Nat : Carousel, Gasoline
- Lisa : (對望) 小息完啦，我叫外賣先 (走)
- Nicole : 一齊呀 (走)
- Nat : 喂，等埋呀 (走)
- (Yuki, Jennifer, Eric 入)
- Eric : 快啲啦
- Yuki : (跑出)
- Jennifer : 哇,斷手大晒啊,仲有右手㗎
- Eric : 喂,加陣我係殘疾人士,服務我係正常個㗎
- Yuki : (跑入) 最大份係依盒啦
- Eric : 下次快啲啊,我忍唔到肚餓架
- Yuki : 係嘅係嘅
- Jennifer : 佢當你係奴隸咋



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Yuki : 咁係我衰咩
Eric : 你妒忌我咋嗎！
Jennifer : 鬼有
Eric : 我明嘅，係人都鐘意點人做野架啦
Jennifer : 算啦，走啦
Eric : 話時話，你放學幫我囉埋個書包返屋企吖

(Yuki, Jennifer, Eric 走)

(Thomas、John 入，Thomas 擺住兩支野飲遞一支比 John)

- John : 唔該 (Thomas 抹汗，John 停) 頂
Thomas : 你到有冇贏過
John : 頭先有人無啦啦中離，痴線
Thomas : 你夠成日掛機啦
John : 個肉盾又匿咗去後面，搞到我地硬食
Thomas : 你下次咪又輸
John : (對望) 等陣 (掃 Thomas 頭) 得啦
(走) 唔該

(Thomas 拎野飲走)

(Jessica、Bobo、Cyrus 擺凳&撈麪入)

- Jessica : 佢上次份 assignment 竟然攞 A
Bobo : 係囉
Cyrus : 唔知邊個話我淨係識打機呢
Jessica : (望)食到成嘴都係白痴仔，
(Cyrus 搵唔到 tissue)所以話你一定嫁唔出 (比 tissue)
Cyrus : 痴線 (接) 佢咁男人婆，有人 hau 就奇啦



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Bobo : 分分鐘佢 A100 你都仲係 A0
- Cyrus : 你話嘞，我咁靚仔，又咁型，點解咁耐都未有女朋友呢？
- Jessica : 你都叫靚仔，咁世界上一定有醜人嘞
- Bobo : 哎呀，你地兩個一齊左你咪有女朋友囉
- Jessica : 冇可能架
- Cyrus : 咪亂講啦
- Bobo : 新果套屍殺列車好似幾正，你地睇咗未
- Cyrus : 未喎，星期六去睇呀？
- Jessica : 唔得閒，下次啦
- Cyrus : 好呀(伸手) 擺黎啦(起身)
- Jessica : (mit 紙巾比 Bobo)咁我地上去先啦 (擺凳走)
- Cyrus : 陣間見，陣間見，陣間見！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

【Monologue 1】

- 溫晴 : (入, 坐) Hi, 我係溫晴。好多人一聽到我個名都會話「你個名又好聽又易記喎」, 其實背後有個故事架。我出世果日係 2000 年 6 月 18 號, 當日有一個颱風喺香港境內形成。佢除咗係 2000 年第一個吹襲香港嘅颱風, 更加罕有地喺距離陸地咁近嘅海面形成, 所以都幾特別架。而我係喺當晚 9 點 3 出世嘅, 果時正正就係佢登陸我住果區荃灣嘅時間。我 daddy mummy 希望天氣晴朗, 所以就改咗我個名叫溫晴啦, 溫暖的晴天咁喎。
- Jasmine : 我細細個已經好為食, 歲幾都仲戒唔到人奶。到後來我呀媽覺得咁樣落去唔係辦法, 咪搽 d 白花油落個胸到, 但係我一飲就發現唔對路, 喊到 fi li fe le。我試咗好多次, 我話: 我以後點算呀, 有咩點算吖。嗰次之後, 我就戒到奶啦。佢笑我笑到今日, 話我有今日要多謝枝白花油。
- Yoku : 細個嘅時候我係同阿婆住。阿婆住公屋, 公屋用石屎牆。我細個見石屎牆有個窿就會塞隻手指入去。有次阿媽去接我, 見我走去撩石灰, 仲擺入口食。後來阿婆話見過我將啲白色嘅嘢放入口, 佢見我食完無嘢所以唔記得咗。佢後來為咗等我唔好再食石灰, 將啲白花油倒咗係個窿到。之後佢去煮飯, 我係廳睇電視, 冇耐佢聽到我係到喊, 走出嚟就見到我隻手指有啲白色嘅粉, 之後, 我就冇食過石灰。
- Shannon : (聽電話) 喂, 得喇, 我知喇, 不如遲 d 先講? 我今日一 都話我有溫咯, 我想考成咁架, 啱氣 (cut 線)
- Cyrus : 如果佢係聖誕 party 到抽到我份禮物, 就證明我地好有緣分, 我就一定追到佢。如果我今日一上 facebook 就見到佢 online, 佢就係鍾意我。如果我成功說服我阿媽俾我買 ps4, 佢就係都暗戀我。如果黎緊調位調到坐係佢附近, 佢就一定接受我表白。如果今日有人叫我去買旗, 佢就遲早同我拍拖。如果我可以係十分鐘內食啲碗麵, 佢就係對我有好感。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

[Scene 2]

Shannon : (入，聽電話) 好煩呀你地，我要返就自然會返架啦

(Shannon 走)

Thomas : Yes，靜係用一成功力都贏到你

John : 頭先眼殘啫

Thomas : 你唔好話你睇 AV 睇得多

John : 夠你多？你白金會員黎架啫

Thomas : Sorry 我唔明

John : 黎多鋪啦

Thomas : 你唔係以為你會贏呀嘛

John : 唔好睇少我條女呀

Thomas : (打機)多謝大佬，6 號餐加大

John : 熱朱古力吖嘛

Thomas : 嗯

(John 走)

Yuki : 聽講你家姐今次又贏咗個冠軍啫，恭喜呀！

Wendy : 係呀。佢有天份嘛。之前上過幾次電視，又跟啲明星去紅館唱歌。第一次參加獨唱比賽就贏咗兩個冠軍啦。

(Thomas 拎 John 部手機自拍)

Yuki : 你家姐真係好叻呀 (靜) 你都係 choir 架啫，你唱歌一定好好啦！

Wendy : Ok 啦

Yuki : 哎唔好咁謙虛啦。不如下個星期幫下手上台唱歌吖？

Wendy : 我...真係麻麻。

Yuki : eyy，會差得去邊吖。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Wendy : 我點同佢比呀...

Yuki : 話唔定你會做到第二個 Hilda 呢！我比份譜你先，你自己加油啦！

Wendy : 蛻變？

(John, Shannon 入)

Shannon : 唔該有冇人架 (Cyrus 睇)

Shannon : 唔該有冇人架

Cyrus : (擺走袋) Sorry 呀

Shannon : 咩啊？

Cyrus : 罷住咗你個位 (望) 去旅行啊？

Shannon : (靜)

Cyrus : 露營？

Shannon : 唔係

Cyrus : 露宿？

Shannon : (睇)

Cyrus : 哦，我唔問啦

(沉默)

Shannon : 去朋友屋企

Cyrus : 去玩？

Shannon : 嗯

Cyrus : 哦，幾好吖

Shannon : 咁你呢？

Cyrus : 冇呀，我落黎 hea 吓咋嘛

Shannon : 你住附近架？

Cyrus : 我住樓上嘛，咁你呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Shannon : 我唔係住呢頭
- Cyrus : 哦，朋友屋企 (望) 新出架啲，好唔好食？
- Shannon : Ok 啦
- Cyrus : (玩電話)
- Shannon : 你幾 IV 呀
- Cyrus : 我廿九咋
- Shannon : 我廿一
- Cyrus : 哦
- Shannon : 卡緊關
- Cyrus : 咁不如我幫你啦
- Shannon : 好呀



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

[Monologue 2]

溫晴 : 我坐喺度揸咗一陣手機，反轉部電話將個 mon 向下，擺咗喺張枱度。

我擺起部電話，揸開望下，然後 mon 向上，擺返喺張枱度。

我又擺起部電話，揸咗幾下音量制，個鈴響得好大聲，我擺返低。

我企起身，執起幾本書，電話有 message 通知，我擺起，覆完，就擺返低。

我捧住啲書，行咗幾步，電話響，我跑返過去，聽電話。

Yoku : 我返到屋企，放低啲嘢。望一望錶,之後嘆咗口氣。我擺咗部電話出嚟望咗幾眼，再擦 voice message 錄音位，講「我都唔知啊!佢哋好似話聽日約 10 點唱 K,一齊去囉!」之後聽一次 voice message。我放低部機，望一望錶，擺部電話係到襟。我望一望錶。再放低部電話。我再望一望錶。擺支筆出嚟開始轉筆，轉轉下係咁跌筆。我再望一望錶。電話響，我聽電話，講：

Jasmine : 喂

Nicole : 唔知呀

Lisa : 是但啦

Eric : 咁又燒飯囉

Bobo : 而家成十一點啦

(所有人走，除 Cyrus&Shannon)

Shannon : 哦，拜拜

Cyrus : 屋企？

Shannon : 生我出黎剩係識利用我

Cyrus : 你又唔好咁諗

Shannon : 你明咩？

Cyrus : 唔知呢

Shannon : 唔同佢講？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Cyrus : 唔同佢講？
- Shannon : 個女仔呀
- Cyrus : 佢剩係當我兄弟咋
- Shannon : 咁冇計啦
- Cyrus : (電話響) 喂 (走)
- Shannon : (望，打電話) 喂爸爸，你最近點啊？
- 係囉，上一次見都已經係聖誕喇
- 呃，阿爸，我可唔可以去你屋企.....
- 好吖
- 如果 auntie 介意嘅就...算啦
- 嗯嗯，唔緊要啦，bye bye (走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

[Scene 3]

(Jessica 走, Cyrus 飲野)

(John 入)

Thomas : (跑入)

John : 點呀?

Thomas : 無呀...放心啦, 你個妹冇事嘅 (坐)

John : 前日佢好夜先返, 我咪問佢做咩咁夜返囉, 之後佢唔理我

Thomas : 之後呢

John : 冚咗佢一巴, 佢連鞋都有著就走咗, 對唔住, 對唔住, 對唔住!

Thomas : 黎啦, 我地再搵過啦, 搵咗 3 個鐘啫, 去第二度可能搵到嘅, 黎啦
行啦

John : 唔行呀, 算啦由佢啦, 佢去邊就邊啦 (跪)

Thomas : 廢柴, 你咁容易就放棄。佢死咗啦咩? 你搵到佢條屍啦咩?

John : 我老豆成日叫我睇住佢, 但係佢從來冇同我講過野, 一句說話都
冇, 我想關心佢, 但係佢從來冇當過我係佢阿哥, 我喺度搵緊啲乜
野, 做緊啲乜野

Thomas : (電話響, 聽電話) 喂? 去左散步啫, 得啦, 好快返架啦, 唔好催啦

John : 你返去啦

Thomas : 唔返呀, 多個人咪快啲搵到你個妹囉

John : 我搵妹又關你咩事呀? 果個係你個妹定係我個妹呀?

Thomas : 兄弟個妹咪即係我個妹, 我知你而家好擔心佢, 但係你都唔可以唔
理自己架。其實你個妹不嬲都好乖, 我諗佢都係一時唔開心去咗朋
友度啫, 應該好安全, 好快就會返屋企架啦

John : 你講完未呀? 你識啲乜野呀?



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Thomas : 你係咪又有食飯呀，不如你食啲野先啦，如果唔係好容易挨壞架。

你凍唔凍呀，洗唔洗我借件褸比你著呀，天文台話今晚會轉涼呀

John : 你理咁多做乜呀，你以為你係我邊個呀？

Thomas : 我唔想見到你咁樣呀，你知唔知我會好擔心？

John : (沉默)

Thomas : 你對我黎講好重要，我.....

John : (打斷) 我唔想知，我唔想聽呀！

Thomas : 但係我.....

John : 我當你係兄弟咋！

(John Thomas 走)

(Wendy Yuki 入)

Wendy : 我唔會再去表演喇！

Yuki : 個 band 冇咗主唱就等於冇咗個靈魂一樣。

Wendy : 下？點會無啦啦冇咗個主唱？

Yuki : 你家姐失咗聲呀！你可唔可以代佢唱住先呀？

Wendy : 唔得。

Yuki : 我哋最後一年啦，你幫下手啦。

Wendy : 呢個位唔係屬於我架。

Yuki : 你唔係一直好想得到佢嘅認同咩？襯呢個機會證明自己嘅能力囉。

Wendy : 但係佢未必想我去唱

Yuki : 其實我會嚟搵你都係因為佢想你去咋。雖然名義上係 Hilda 唱，但係話唔定你可以趁呢個機會出名呢。

Wendy : 我用我家姐個名唱？我代佢唱，咁邊個代我呀。

(Wendy Yuki 走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(Cyrus 入，Jessica 喊)

Cyrus : (俾紙巾) 做咩呀？

Jessica : 我同佢嗌咗交

Cyrus : 你同 Bobo 咁 friend, 會唔會有咩誤會咋？

Jessica : 唔係 Bobo 呀

Cyrus : (坐)

Jessica : Sorry 呀，我原本諗住穩定咗先同你講

Cyrus : 唔緊要啦，到底發生咩事呀

Jessica : 今日佢冇端端係 whatsapp 話我地性格唔夾，冇可能係埋一齊，我問佢係咪我做錯咗啲咩，但係佢咩都有講就 block 咗我 facebook, whatsapp, 就搵佢唔到啦，我已經咩都就晒佢，點解佢都係唔要我？

Cyrus : 佢唔值得你對佢咁好，個衰人根本一啲都唔珍惜你

Jessica : 你唔好話佢啦，係我自己衰，成日搵佢嘈住佢

Cyrus : (沉默)

Jessica : 我真係好鐘意佢呀，但係我做咩佢都唔鐘意，我係咪好冇用呀？

Cyrus : (沉默)

Jessica : 連你都覺得我有用

Cyrus : 點會呢，係佢唔識欣賞你啫，不知有幾多人鐘意你呀

Jessica : 邊有人會鐘意我呀

Cyrus : 其實我.....鐘意你

Jessica : (笑)你個低能仔，講啲笑話仲係咁低質素

Cyrus : 唔係呀，我認真架

Jessica : 傻仔，唔好以為你擺依個樣出黎，我就唔知你氹我至得架，睇穿你啦，影帝

Cyrus : 哈哈，被你發現咗添



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Jessica : 多謝你呀，識到你呢個 friend 真係太好啦

Cyrus : (笑) 夜啦，不如我送你返屋企

Jessica : 唔駛啦，我自己搞得掂

Cyrus : 咁好啦，遲啲見，bye

(Jessica 走，Cyrus 飲野)

(Thomas Wendy 入)

Wendy : 大家好，我係 Hilda (唱歌)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

[Epilogue]

(眾人出)

- 溫晴 : 四歲嘅時候，爺爺會將我由荃灣嘅幼稚園接返去葵涌嘅屋企，果日佢咩住我，我問佢：「爺爺，你會咩我咩到幾多歲呀？佢話：「爺爺會咩咩咩到十八歲架。」我話：「噏，你應承咗我啦！」佢喺我八歲果年就走咗。
- Nicole : 我細個嘅時候，啊婆成日帶我去屋企樓下個公園。有一次，我玩到唔捨得翻屋企，佢係咁催我。我話：「玩多兩陣！」嗰陣時嘅我梗係唔明佢笑乜啦，不過見佢無阻止咪繼續玩囉，雖然佢過咗幾分鐘就扯咗我翻歸，但係我而家一諗到呢件事，就會一直記得以前嘅我
- Jennifer : 細個每逢落雨天，婆婆都會預住我避開地下嘅昆蟲，有次佢預住我嘅時候唔小心跌親，我哋對望左 2 秒，然後都笑咗出嚟，宜家，每逢落雨天我都發現少左呢個人
- Bobo : 中二嘅我以為人係群體生物，一定要依靠人哋先可以生存下去，所以我不繼痴呢個痴個個，不停不停咁 Rfriend，當佢哋個個排斥我嘅時候，我發現原來一個人都幾開心啊
- Nat : 小四嘅時候，六點幾學校籃球隊訓練完，我就自己由學校行去地鐵站返屋企。行行下，突然有人走嚟問我學校電話，我諗住拎手冊出嚟睇下電話，點知搵唔到，先發現自己手冊連埋個功課袋唔見咗，就好匆忙咁翻學校。到咗學校之後，個 security 唔俾我入，我好驚，於是就開始係到大喊啦。
- Lisa : 自從嗰兩次我爹地用木板打我打到瘀曬，我就再都無法因為被責打而喊；或者你覺得我堅強咗，其實我每次諗到就覺得驚。
- Yoku :
- Eric : 喺我三年級嗰陣，我隻左手因為喺公園玩嗰陣俾人用好大力撞而斷左。當我倒地嘅時候，我發現周圍嘅人全部過晒尼，但佢地唔單止冇幫我，反而企喺隔尼恥笑我。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- Shannon : 從來每一段關係都只係互相利用，因為有可以利用嘅地方，所以人先會成為群居動物。我生命中嘅所有人，都只係想喺我身上得到一 d 嘢。
- Jasmine : 小學有一次上完奧數班，我同朋友一齊等校巴。等等下口渴就跑去飲品機買嘢飲，再跑返去操場，比老師見到，罰我地企。我地 on 居居棟喺到操場側邊，面對學校大樓，開始數學校有幾多個窗，一路數到上校巴。呢次就喺我唯一一次等校巴嗰陣被人罰企。
- Yuki : 喺小學嘅時候，我經常喺面上面掛住一個招牌笑容，就算係唔鍾意嘅野都會話鍾意去迎合其他人，其實我只係每日扮演緊一個偽善者
- Jessica : 細個嘅時候有個好好朋友嘅男仔，我地同班五年 fd 足五年，我咩都會同佢講。直至有一日，我地唔同班，佢就再冇搵過我
- John : 在遮陰的樹下，你出賣了你，我出賣了我
- Cyrus : 細個嘅我好細膽，一遇到對自己不利嘅事，就會諗 d'如果點點點，件事就一定會解決'嘅 tasks 俾自己，但大大吓發現，無論我做咩都好，我所講嘅盼望，一樣都唔會發生
- Wendy : 我曾經同一班同學喺一個唔和諧嘅班入面好成功地搞咗一次活動。我哋班亦都慢慢變得熟絡，啲同學想我哋搞多次，我哋咪順理成章咁搞咗囉。最後個活動好成功咁完咗，我喺搞呢個活動嗰陣失去咗好多段友誼，但係如果呢個係令我哋班團結嘅代價，我唔後悔。
- Thomas : 我小學果時識左個朋友，friend 到日日都一起放學。我地乜都傾，數學、成績、屋企人、地址都講，果時我以為我終於有個知己啦。後來有幾次我有急事趕著穩佢，但係我穩左成日都穩唔到佢，之後先知原來佢連個地址都係假嘅。原來，朋友唔係全部都係真心